

湖
海
詩
傳

湖海詩傳卷三十八

青浦王 昶德甫輯

王復

字敦初號秋塍秀水人監生由四庫館議叙官偃師知

縣有樹蔭堂詩

蒲錫山房詩話秋塍承其導人穀原之學潭見拾聞詩才凌厲少卽與汪雲壑視
西瀟雨春雨諸人聯吟門墮眾避其鋒既而入京師游秦中從予及秋帆撫軍最
久迨遷任中州初任商印令又偕幕寮彭受園等流連鴈冰尋調賑師繼湯君毓
卓之後湯君南皮人乾隆壬午孝廉捷羅金石重輯志書與武君虛谷交君繼其
後風流弱幼游龍門砥柱極山水之勝作長卷以紀之同安陽令趙君希璜皆以
仙吏稱旬如月明漁火全無影夜靜江濤漸有聲草色青連清酒處杏花紅照渡
江時涼氣吳衫輕易透離愁舊酒薄難降碧窗展展泥金帖紅燭宵吟樂玉船吟
來詩句清呈佛老去容顏瘦有神新詞且共歌鹽角舊醪還來撥囊頭滿花送喜
春爭發弓月流輝夜未深
皆繪藻相宜宮商叶應

雨傘七疊前韻

削竹仿製笠糊紙似蒙鼓圓轉膏油塗柱立圓影午摺疊攜

甚便平開闔機莫杜晴時任棄置榮塵暗側戶積陰忽兼旬
密雲如醞醕出門愁霑濡利用逮婢女手重互易持氣蒸變
熱煦大勝瓦爲之亦便披簑侶響疑蓬庑聽點滴頭上數况
資暑月宜遮避炎曦苦遙思紫蓋張飛共落花嫵繪畫雜綺
羅擁護盡文組未若此便民風雨占十五蕭然破屋中差免
濕竈土破屋常持
愈東坡句

兩峰畫梅見贈詩以奉酬用東坡李公擇梅花詩韻

卽送其還揚州

北地寒色早林木淒飈動先生坐旅窗筆硯自吟弄腕庑回
春風繁枝破荒凍香雪燦滿林悞引蜂蝶鬧昨朝尺幅貽隔
巷走僮從展挂玉丫叉我懷忽孤縱先子交君師兩峰爲金衙門
先生高弟露門

與先大夫交甚契
每歲爲梅寄贈

投契如伯仲年年驛使來遠道幽情貢每當緘

素開勝比琳琅重茅堂氣和盎窺檐鳥頻哢時予髮甫束立
侍側清飆迄今幸弄藏感往餘嗟痛茲復得此圖好似割垣
雍遂訂冰雪期稍醒塵土夢修到定幾生明月閒鋤種師承
有淵源落筆自超羣出藍千載真浮白一宵共君還羽騎鶴
我愧雛稱鳳竹西千百株春到舊巖洞他時訪故人更撥香
泥甕

正月八日曹種梅招同朱梓廬小飲同用東坡送曹
子方韻

幽居傍水曲凍解搖晴瀾竹林倚翠袖梅影欹黃冠齋中臘梅盛放近
著帙益富新書墨未乾足音喜空谷言泉瀉流灘吟情未嫌
苦春味方宜酸嘉魚薦丙穴生菜登辛盤我今困勞悴君毋
歎懷安境閒心自適宵短夢易闌志在業千秋情豈榮一官

擬尋山水勝寧辭道路難

梓廬種梅約遊天台

相期棄蝸角長往持漁竿

磯頭舊鷗鷺斯盟應不寒

牆下小軒題壁

小築三間屋幽居春事宜林深知鳥樂牆短愛梅欹地占金

陀里禪參玉版師

軒後新栽竹

經營真不易誰寄草堂貲

日涉聊成趣情懷與俗疏課僮芟徑草畱客翦園蔬靜卷彈
碁局閒繙種樹書預期銷夏好一枕北窗虛

次韻荅紅泉題予遊草之作

他鄉負米記年時惜別懷人得句遲繫馬垂楊邨店酒落帆
斜日女郎祠心酸南浦江淹賦腸斷東風賀鑄詞不是天涯
倦遊客此中愁思更誰知

百泉將往邗上予以事阻未及同行疊前韻送之

渡口楊花亂拂衣，行勝檢點上船扉。去如海燕尋巢舊，到值江魚入饌肥。綺語徐陵欣共賞，時與秋淵偕行窮居王粲歎無依。紅橋流水漪淩碧，遲我風鳶接翅飛。

和介堂移居詩原韻

家具移來幾束書，翛然真覺愛吾廬。定教快意屠門肉，且免長歌客舍魚。添種花枝依逕曲，量栽蕉葉補窗虛。簾圍小院惜惜靜，一榻熏風午夢初。

冬日晴暖農人望雪甚殷詩以催之用東坡雪後書

北臺壁韻二首

歷尾駸駸暑影纖，披裘未覺氣凝嚴。人來舊苑懷詞賦，時到殘冬念米鹽。早有微陽烘麥隴，可無甘澤慰茅檐。陶家况味真清絕，待掃繁英出素尖。

畢通聲裏亂昏鴉隔巷香聞過麴車未見風流吟謝絮先教
火急試唐花堂前白戰思詞客江上青簑釣家賤乞碧翁
陰早合同雲延望手頻叉

和渭川寓感原韻卽以寄懷

郎官慢說應星辰落拓方嫌衆裏身暖氣欲吹鄉子律狂飈
偏惹庾公塵悠悠閱遍三千界錄錄容隨十九人歲暮冰霜
方歷盡幾番芳信待回春

旅館宵談靜掩門天寒惜別黯吟魂銷愁且自傾三雅潤俗
何能淨六根鴻雪浮蹤甯不定鶯花好夢去無痕自緣力弱
難酬報怨李恩牛總莫論

年來物我漸相忘得失紛紛詎足傷涸轍終教窮鮒活占巢
空笑拙鳥忙銅臺遺蹟尋香履雪苑前遊憶詠觴各有千秋

傳業在名山到處好收藏

珠蘭十二韻

縛架支柔榦移盆就畫檐慣滋清露潤不避暑風炎名字湘
潭襲來程閩海淹霏微肌粟綴淺淡額黃添開處猶疑蕊繁
時欲逗簾貫思珠瑟瑟摘想玉纖纖小扇低承綺清簷滿貯
奩浴餘蟬翅掠妝罷鳳頭拈粉助芙蓉豔毬成茉莉兼枕函
嬌夜合茗盃門春尖軟語吹脣密濃香入夢甜經時常眷戀
腸斷莫相嫌

一名斷腸
花見本草

重陽後四日述菴先生招同朱笥河翁覃溪程魚門
三先生暨趙少鈿陳竹厂徐薦林黃仲則張萼樓諸
君集經訓堂送錢獻之赴西安分體得五言排律二

十韻

衆葉紛辭樹相攜正黯然驪駒方在路萸菊復開筵榮豈浮
名慕才應大雅憐虛堂頻會合畸士半連邇繾綣情何重艱
難道自全幾年遲握手匝月鎮隨肩識字推揚子通經擬鄭
元宮商精辨審輪軾細參研

時以新刊詩音表及車制考見示

言洽蘭同臭交真

石比堅涼亭時挈榼禪室屢分牋題字羊裙濕尋幽謝屐穿
暢懷當暑月彈指逼霜天壯志囊中鐵離音膝上絃荒榛搜
古碣疎柳結吟鞭旅食勤加飯征衣重著緜高原秋色迴遠
塞驛程連圖就關重入

蘇之音入關圖

書成市可懸南州畱舊榻東閣

重時賢別語今宵永還音異日傳臨岐回首處淒絕各風烟

時予亦將南歸

述菴先生屬題三泖漁莊圖四首

一鏡碧搖檻外千螺翠湧窗前山水東南甲秀波雲下上澄

鮮

別墅謝公絲竹小園庾信江關何似筆牀茶竈天隨子共往還

久別田廬無恙繫情邱壑難忘靜對生綃幾幅蒹葭秋色蒼蒼

事業富韓一代文章燕許千秋空憶烟波清興閒眠讓與沙鷗

九月杪將北行同人餞飲於晚晴齋聯句

倦歸息擔簦人事瓠蘆擾良會日無多理裝復秋杪復王郎

久衣褐關津急征鳥鬱鬱壯歲懷扶搖望雲表祝壽詞場溯

前輩雛鳳清聲紹舊業守青箱珍材挺孤篠蔣元龍我昨遊金

臺文苑窺宵窬冠蓋萃羣英魁台耀葩瑤汪彝銘上林體麗則

原艸句驚矯遇合會有時勿歎知音少王尚十年識豫章千

里駕駿裏直欲鉛槧借祇恐侏儒飽汪大豈曰王美燕而思

瑟倚趙謀生免家食予古足登眺汪如朝來涼風適持袂形

神悄騷騷落葉聲役役飛鴻爪復薦達有蕭朱論交見管鮑

飄零竹林社惜別意難了嘉於此且畱連騰觚酌清醪披綿

肥曠村斫雪健松渚元砌擷菊枝殘窗鳴雨點小相勸添盃

壺劇談判參蘇爛醉今夕歡離愁明日攪抽帆江楓欲並

轡驛堠遠尚繩循寒入國門毋使鄉信杳紙閣鑪夜紅天街雪

晴皎大觀面先後期蹇驢柳春曉書屋借城南鵲袍戰京兆

如

徐書受

字尚之武進人監生由四庫館議叙今官南台知縣有

教經堂集

蒲陽山房詩話尚之少而食貧長而多故彈缺依人恒有四方之役羈旅道塗所作往往牢愁激楚大抵取法在孟東野張文昌間然才情諧暢兼效元白早年與仲則耿澈諸山入門下甚久各以古道相期詩格雖不同其篤於世情一也

無米

沒徑長蓬蒿結廬背城郭問何突不黔怪豈鐺折脚龜婢告
瓶罄菜色共寂寞既缺太倉糴詎效屠門嚼庾空愁腐鼠益
竭噪飢雀誰憐顏公乞寧就仁祖索吾將屏甘濃息意事葵
藿世無監河侯口腹竟奚托三旬遭九食君子固窮約指困
未爲貪餽新或堅却碧韭炊黃粱紅鹽裹青箬粥糜已無餘
麥飯尙堪擢養生娛性命沽酒傾下若高坐方浩然時聞嘯
歌作一飽同何曾毋嫌食單薄

新嶺

振衣忽霄漢，巉絕已平視。一線上天宇，萬笏出地底。斜日在半崖，高鳥飛不起。豁然倚層空，盤旋徑邈迤。雲生乍籠袖，澗響復盈耳。何處烟林鐘，天風吹十里。躡景有羽翰，蒼蒼暮凝紫。

十八盤

朝行千磎曲，暮宿萬山岳。曠竒先舌矯，瞻顧笑目竭。盤陀况梯升，橫出更斗絕。攀躋分寸難，十步四五歇。下視愁懸猿，上陟怯飛鵲。力均連股尻，意動惕毛骨。輪摧機轉確，車簸海浮筏。虛烟沉翠壑，杳靄揮遠笏。精藏白日駭，蛇蛻來徑滅。亭臯俯呀摩，人馬比蛰蛰。奔雷動地脉，素彩散天闕。崩崖猶見樹，陰洞未消雪。荒榛時罨罍，怪石屢臬兀。險應穿鳥道，幽恐近虎窟。雖復登陟勞，陋彼坂九折。

懷述菴先生贈莊明府

成烈

近來弟子多著錄海內無過王與朱筠自從二老僅存一如
水注壑土益趨我交明府歲丁酉經訓堂中醉卮酒張樓徐
藩一輩並異才詩成起爲先生壽先生再登朝請假一上
章松楸慕無已諒益鬢鬢霜我行四顧徒茫茫近知明府在
感我故意長明府何如廣文冷絕異恒情發深省

次固山廣文書
舉然時時慕爲

廣文日不
可復得也

爲政風流希古人絃歌遺澤何其幸

雨宿田家

蕭蕭雨滑滑泥泉淙淙近前溪車輪不轉用力齊僕夫告瘁
愁路迷昏止樹林下老馬同鳥棲多謝野翁意怪我顏色低
遙指草廬在繞出溪前堤前堤亦非遠步步如登梯全家細
弱共一飽勞君爲我具黍雞野翁良不俗室中尚有牛衣妻

妻餽饁翁執犁嗟予蹤跡苦無定終歲道路常東西來時織
草綠去日寒風凄野翁揮手且復別我本途人信馬蹄

濬縣登眺近山用岑嘉州畱題縣南樓韻

一堆空翠如欲飛黃葉滿林禽暮歸嵯峨石碎馬蹄滑徜徉
有客風吹衣太行隱隱環山縣恍似荆關畫圖見居人日在
翠微中問客徘徊何所羨我思不若買小邱規池養魚通澗
流庾公於此興不淺月出更上城南樓

謂松岡先生

獻縣塗遇馮大百史訊知西河客遊長水

常年揖別判東華消息慙傳故里賒不覺輕塵同駐馬可憐
高樹已藏鴉賦成明水年尤少榜盡孫山事可嗟今世子雲
愁入俗傾脂河畔醉梟花

蘆溝道中

嵯峨石路一車輕似在危灘駭浪行霜柳未黃矜雨色風蟬
將老變秋聲頻年寄跡才何用幾處廢人夢不成宛憶春塘
冰乍泮典衣沽酒話平生

去聲借西河過此

送董超然南歸卽寄錢大魯思楊三西河次用少陵

夔府咏懷一百韻

跡久違吳下人頻會日邊蹉跎淹壯志哀樂萃中年已刻無
成鵠聊同不繫船撫膺惟莞爾舉首孰褻然物態應看慣人
情本重遷厭題鸚鵡賦半廢蓼莪篇告瘁寧求息矧方尙惡
圓恰逢飛絮候又負養花天曩日遨遊數茲邦習氣偏西疇
初餉饅東路正防川董相帷猶在陳蕃榻自懸莫攜磨鏡具
誰貸辦裝錢異地空相顧貧交轉共憐三千齊上客七十郡
名泉考古情逾澹懷歸眼欲穿童烏能學語少弟並扶肩爾

去誠良策吾甯僅冗員羈棲寒素約合并隔塵緣爲溯湖濱
勝會招畫舫使小桃輕嚙雨弱柳暗藏烟枚馬論遲疾王盧
較後前長生拚似鶴結友盡疑仙景物都陳迹詩章莫浪傳
好山供俯仰流水送潺湲

以上叙戊戌春與錢
董二君歸自湖上

一自離羣出重教

憂患煎事同蟲食苦形比蟻投羶陋巷迴車騎華堂避舞筵
種纔分菽麥微敢托鵬鷖未是無心失終期怙過悛徒薪愁
曲突浙米向霜鋌呼吸生真寄屯亨命有權虞翻傷傲兀杜
篤免拘攣夙願應將遂沉疴頓令蠲俗儒爭請讓豪族盛遊
收不惜珠爲彈從知瓦可全賓僚輕許掾雅意進彭宣謬得
羣公嘆何求一士賢紛紜存夏五變幻悟秋千鳩乃營巢拙
鶯還出谷先長楊初薦達短翮歎聯翩縱異生枯管能知綬
急絃快方標鴈塔悔早失魚筌涉世誠疎矣忘機盡泯焉龍

門仍蹭蹬驢尾暫回旋賦或嗤奇字文甘味太元幾人成誓

墓何事亟歸田問夜檠同剪瘡春轡每連病餘慵買卜食少

費烹鮮歲月無停軌音書附去舫涕痕猶滿袖危語動盈牋

以上辛丑揚君登第後與余別於京師時事稍稍驚魂集時時遠夢牽平生懷故曠吾輩

各述適易得浮蹤合甘憂宿諾捐贈涕悲寂寞伐輻刺淪漣

幕府趨闕輔謂歐之淵如蕭齋傍澗漚謂緘若星韻題襟聞洛社感舊

緬秦阡詎效孫登嘯行加祖逖鞭名流希結納靜女獨嬋娟

不謂辭鄉樹還來聽暮蟬相逢初換葛小頓又裝綿偶乞僧

厨飯常虛客舍毡花時偕側帽陌上競遺鈿底用區門戶徒

嗟仰屋樣忍看紅葉謝被喚海棠顛腹臬乘酣脫頭風及三

壑句教干白傅才倘妬青蓮挈侶商投足登車信曲拳孔庭

陪對鯉楊席見銜鱸冒雨尋荒榭銜泥沒錦韉所欣蘇久旱

湖海詩傳卷三十八

九

非比潤微涓

以下董君同寓都下及後至清源

此會皆天假追談到海壖不扶筇

竹杖定製布行纏嶺勢剗霄立灘聲挾石眠向來神頗王孤

往興尤堅佳果經時熟繁香彌望妍菩提增蔭鬱蝴蝶弄翩

翹土俗如前否登臨念愼旃聚糧俄北首著集尙炎躔

以上指所與

集旅寓依朱季生徒侍鄭虔細流源必滙大冶人宜甄臺尙

風期杳潘張麗體駢鞠通揮綠綺粉蠹守青編漫亢諸侯禮

休輕百雉專新晴勤稼穡缺月挂弓弦憶昨如行脚於今學

坐禪第能安食指何苦落言詮二妙嘗旋越

秋陸夢樓

雙珠復

滯燕

雅仔映川

最難寬租璫奚必慕騰鸞故里諸談燕高軒敞

曼延試燈低吐燄逢翅飽流涎贈別須丹棘銷魂豈杜鵑帆

開揚婀娜道阻聽洄沿過圯思黃石還山訪偃佺關心占勿

藥

魯思病

未得西河

拭目待高褰那作垂天翼真慚跼水鳶左原

遭見斥伯玉解繩愆求劬舟勞刻凌雲字枉鐫飄萍殊泛泛
芳草乍芊芊嗜酒愁憑掃耽吟體過孱諒予非擇祿未敢就
曹銓

代人有贈

五銖衣薄畫雲綃硯匣琉璃解頰椒爐煖翠縈心上篆鏡瑩
紅隕影中潮脂香羅掩痕猶印粉醉霞烘暈未消配藥方依
辰日合照愁燈剩卯時挑偶耽靜色風飄絮時愛秋聲雨滴
蕉睡起錦書和月織病慵螺黛割烟描衫緣篋冷薰初透絲
爲桐枯韻轉遙花苑霧迷渾是夢湘簾波浸不勝嬌偷翻曲
譜頭頻側閒擅丹青手自調欲識惱公無限意燭盤堆淚去
迢迢

入平原境曠如奧如土阜如山蒼烟四合令人有去

此何之之嘆

坡陀百折樹千重徑絕烟濃忽又通兩兩仙禽語何處人家盡日翠陰中

何青

字數峰歙縣人監生今官澄海知縣有味餘樓初稿

蒲初山房詩話數峰天才英俊風雅宜人竹君爲安徽學使特加識拔既入京復來受業爲詩掃毫翰爾情傲滄洲而五官宗二謝七言宗韓蘇又復左規右矩節族自然是以詩名益振然教詩不遇

正於鹽筴近始爲琴花縣世論惜之

富春江

解纜錢塘江停舟富春郭海門夕汎平巖瀨迅湍落曲渚隱林巒斜垣繞巖壑閭閻樹杪懸鷄犬人家托漁父泛依依水禽飛格格古剎覆松杉遙村橫略約涵岫暮烟微逗月晴霞薄羈旅淡無悰山川果宿諾永懷沈家令言念謝康樂洵美

未能畱眷茲暫淹泊

月夜宿石碓嶺

晨策恣幽尋日暮中途歇未梯絕巘雲先卧孤嶺月林巒響
鳴于山泉流澗汨氣清空谷寒露下高巖潔週遭天宇淨遙
峰露翠律安得凌絕頂飛觴和玉屑相看興不違近阻情彌
切雖獲蕩喧囂還令神超越僧房危榻支不寐遲明發

發慈光寺過巢雲洞歷小心坡度斷凡橋入一線天
達文殊院宿焉

凌晨度慈光攀躋越數里層巒當我前欲往昧所指徐弭古
洞通驟入幽巖裏慄慄小心坡貼壁剛容趾嵌空橫略約下
視不見底一線穿鴻濛諸天勞卽止奇松解迎送孕石參差
倚龍鱗勢欲飛僵卧長不死惟石作人立兀兀爭奇偉瞪目

應接疲側身忘險巖罡風吹日斜雲際暮鐘起宛入蓬萊宮
支殊院有陸地蓬萊額 心向文殊禮還當十日留憑眺窮終始

鍛奴歌爲蘇餐霞作

鍛奴論詩氣食牛百城坐擁窮披搜鍛奴作詩力縛虎鬼愁
膽破避險語有才不遇嗟窮途賣文爲活長江湖襤褸被依人
聊爾爾萬里山川供足底狂來欲剗仙霞峯興酣吸盡西江
水一笑贈我黃山歌勸我啼髮山之阿但道富貴浮雲耳不
如高山流水供長哦丈夫落拓理則那鍛奴鍛奴奈爾何

雨中過怡雲山館觀桃

人足烟霞癖居隣鷗鷺家天桃沿徑密細雨掠谿斜新碧添
春水殘紅散落花古歡如可接好逑釣魚槎

自南昌之南康別從兄秋厓

南浦傷心地逢君又別君
早年多作客何處不離羣
彭蠡波浮岸匡廬樹出雲
登樓勞遠夢春草滿江濱

天都峯

斧鑿何年闢巍然冠此山
更無峯比峻豈有路能攀
向背三州外陰晴一息間
軒皇長不返終古石苔斑

元夕章江望月

春到天涯始欲愁今宵又見月
當頭東湖清影水涵閣南浦
芳塵人倚樓浪迹門山經兩載
全家骨肉在三州江城孤笛
撩歸思悔殺探竒處處留

開封月夜有懷蘇餐霞在陳州

統如衙鼓夜將分萬里天無一縷雲
皓魄連宵看積素羈魂
異地怨離羣樹高烏鵲當軒繞城古
荒雞隔巷聞遙憶芳塵

凝樹處抽毫王粲最能文

朱竹君先生齋消寒咏瓶中月季花

凋殘處處轉霜蓬向晚芳苞孕小鼓薄植寧甘羣卉後韶華
却許四時同瓶能續命何妨折蘊可回溫欲借烘丈席人來
剛立雪對花一似坐春風

遊峽山寺

北禺重氣接南禺殿宇巍然帝子趨峽水縈迴三十里山榕
翳鬱一千株扳藤覓徑危防足憩石看泉冷浸膚定是烟霞
緣未了一經初地一踟躕

胥繩武

宇燕亭鳳臺人貢生官萍鄉知縣有晉普山房詩鈔

陪謙山觀察查武定各邑災賑途次有作

油幕稍殘客星輅載後車此行當歲莫何處不天涯綻縫征
裘薄連程驛路賒等閒塵轍裏來往送年華

裒益權衡細頻將疎管操指揮定成格臂使藉諸曹莞獨教
均被恩施戒濫叨寬嚴因地判心識去哲人勞

有感

卧聽南來雁幾行江城八月已飛霜愁生舊夢家千里病起
新賒藥一囊破寂最憐風款戶書空無復句題牆浣花溪上
飄蓬客恠底猶能築草堂

西風冷雨悵歸難秋到詩人分外寒四壁漸成懸磬室幾年
空作折腰官向誰乞米書多拙許我輸金法已寬歌哭都非
消遣計欲圖狂飲接餘歡

兩峰以清容居士自書詩冊見示題後

兩冊溪藤栗尾書斯人何在欲長吁更無白傳新詩本此亦
黃公舊酒壚好句快心刀切玉古香盈篋櫝藏珠六丁下取
君須戒畱伴通靈畫幾厨

劉大觀

字崧嵐邱縣人貢生今官奉天寧州知州有玉磬山房

詩鈔

蒲褐山房詩話崧嵐始仕遼陽仁聲懋著方且游登牧守奮蹟仕途乃其詩蕭閒
刻峭卓然自立於塵埃之表正如梁伯鸞鴻苞更然不因人熱推其類似出於瀛
奎律體足與四靈三拜分半
抗行不惟爲五言長城已也

與郡人芳山種花

刷雲植嘉卉聊復助天工此土非吾有分春與衆同莫烟生
遠水樵唱散遙空領得山中趣橫琴坐晚風

陳柳州見過榕樓客舍

長年著敝衣攝郡有清威每到無人處孤琴還自揮馬因行
部瘦民自下車肥來共僧樓語星河耿夜輝

貧士詩

寒雞窮巷鳴不見突烟生書向隣家借詩多雪夜成斷繩橫
短榻折足卧空鐙盡日無人語時聞飢鼠聲

江村偶步

江村泊舟早間步獨行遙乞藥尋山寺聽泉過石橋曉松雲
際路春蕨雨中苗何處還招隱名心已漸消

東昌舟次寄兄

節候幾更移多年嗟遠離最難遣愁處將欲到家時問友多
新墓看花少故枝祇餘江上月猶爲照深卮

晚泊滄州

湖海詩傳卷三十八

晚風吹渡口遙見起朱霞蟬噪水邊樹棗開邨後花古城方
落日荒戍不鳴笳知與市中近隔船聞賣瓜

送青城劉明府歸通州

行色少光輝身貧馬不肥宦囊貯吟卷民淚濕征衣落日歸
程莫寒山秋葉飛到家應閉戶接見世人稀

送吳竹虛卜居石門山

居士安身處石門秋氣清祗聞松籟響不見世人行采葯身
應健看雲眼自明遙知到山日定有鶴來迎

王初桐

字子陽號麋仲嘉定人監生官齊河縣丞有海右集

泰山觀磨崖碑作

七十二君輦道荒云亭蹤跡俱微茫祖龍之碑既無字金函

玉檢疑荒唐開元天子履全盛意氣直欲無軒皇東封自古
稱大典遂令下詔開明堂勒銘大抵示符瑞輝灑御墨輝天
章高文或出燕許手長篇大幅何煌煌當時海宇本殷富發
揚蹈厲窮鋪張八分淋漓六百字穹崖屹立三丈強芝英鶴
頭體製別筆勢髣髴酸棗兼中郎焦山鶴銘鼎銘何足數庶
與朱陵洞天响巉銘相方惜哉天寶末諸楊亂其綱風塵頓
洞一朝起聲鼓動地來漁陽珠沉玉碎銅狄燬惟有此刻終
古垂琳瑯毋乃鬼神自有木甲護不然安得風饗雨露依舊
光芒長流傳完本世間少頗思椎拓充行囊也時攜歸向吳
會什襲珍作蕭齋藏奈何梯青躡翠必鉅費而我羞澀垂空
囊聳肩仰面百遍讀口角流沫神揚揚信知岱宗大觀此第

一秦松漢柏皆侏僂

木甲漢武帝時泰山神也見應劭漢官儀

登蓬萊閣觀海風浪大作

蓬萊之山不可到蓬萊閣中好登眺閣前海濶天茫茫萬里
長風來遠嶠大海小海浮杯中珠宮貝闕吟魚龍新羅朝鮮
只咫尺豆帆一霎成艤艫我思釣鼇搏桑渚白浪連山迷去
所白氣蒸爲駭岸雲浪花灑作晴天雨須臾風止煙霏霏青
銅一鏡磨斜暉劃然長嘯驚鷗鷺羣向田橫島上飛

歲暮感懷

落拓江湖三十年注名官簿倍堪憐不辭南北東西路直到
冰霜雨雪天髀肉消來添白髮篋衣典去剩青氊人言宦海
藏身易除是頭銜得酒泉

門徑深松灑翠濤行厨煨葉太蕭騷冬前舊蓄蘆香盡雪後
新增酒價高蟲解號寒聊得過鳥能吐綬亦徒勞街頭臘鼓

簪簪響歲晏關心首一搔

新城訪王氏西城別墅

尙書池北營書庫數十年間付渺冥
曉日雞豚羣提閣秋風禾黍石帆亭
居人指點基空在故老傳聞事忍聽
却憶銅坑銅井外漁洋終古一峰青

蒲楊山房詩話西城別墅亭先生所築凡十二景有石帆亭樓閣軒半倚閣大
椿軒雙松書塢小華子岡小簪卷春草池三泉強石丈竹徑綠蘿書屋諸勝一
時名士皆有題咏多清遠閒曠之作公子散源彙而刻之共九十餘人不分卷映
予奉使青州過新城時得之此書不見於漁洋全集三十五種恐久而遺佚故著
此於

余鵬翀

字少雲懷寧人監生早卒有息六齋遺稿

蒲楊山房詩話少雲鵬年之弟少有逸材工水墨畫竹君督學院樹實之由是名
譽日起舛倅人爲語往往來燕晉所遇名山水輒以詩寫之發其幽鬱磊落慨慷不
平之氣未幾卒其詩舊存朱氏鵬年錄得三卷名惠六齋遺稿

城隅曲水納涼

清渠散水氣無月夜亦明叢蘆弄疎陰無風涼亦生水禽不見人深處惟聞聲披襟得稱意我影隨我行凌波偶延竚波去影自停去者本無適來亦何所營未成江海歸自具活潑情遂令波上人對影忘殘更都城盡同夢心跡此雙清

送楊蓉裳之任甘肅兼簡楊慎齋刺史

楊侯短小姿書卷充光腴二十始過四健筆追唐初依然盈川令不襲王駱盧先于晉宋問飲液去其膚停勻染藻綺圓轉隨璣珠今年鶚薦芳名填帝都大匠持斧纒飭材應時需薰風引墨綬出宰天西隅祖帳春明門朋故咸歛歔作吏風塵中此道成荒蕪而我起相謂君輩徒區區士生功名遂文章固其餘古人苟得爲空言應屏除割雞契先聖雕蟲

羞壯夫况茲敦厚源足供循良模百里勿云小自邇徵感符
甘涼落日外我昔曾驅車請具爲君陳我言信非誣山邑數
十城各擁千峯居牛羊散岡隴桑柘蔭街衢居人半農圃終
歲操鎌鋤板屋聞鳴機高場積糧儲巨室不治習遊手尙畋
漁羗人分隙地種麥供歲租任負每先時不敢煩胥徒俗醇
宜簡政水清戒驚魚長官不自擾民事自安舒此時坐訟庭
雲嵐日扶疎山澤有精蘊性靈生機樞仕優學亦固心逸績
已敷去去慎所職勿復相躊躇故人和州牧義氣今所無自
我來長安三年未得書君行會相見爲問今何如

奉贈約菴

李侯哦詩風撼檐高格橫恣追蘇韓窮冬燕市守蕭館積雪
照戶塵侵簾花箋滲墨凍欲折石硯炙火吁不炎獨拋心力

門冰勁未放意思成膠黏終朝握管待神會物象時到秋毫
尖玉川搜腸五千卷鄴侯過眼三萬籤詞腴詎能濟身窘吟
貪未是妨官廉曾經令尹三仕已色無喜愠心無嫌廿年遊
宦半天下初看兩鬢霜痕添但借山水助吟嘯不假甲令行
苛嚴歸程空歎客垂橐舊邑誰聽民歌鐮暫同鮫蜃屈注濕
宵與魴鱖爭喙噉擊柝爲貪聊爾爾彈冠笑彼徒沾沾我早
聞名見恨晚義氣安得常摩漸愛君詩句化涼薄知君襟抱
藏熙恬當今用材正求舊溯洄寧舍域與兼天涯獨咏非久
淹佇君試割安黎黔

過三泖漁莊訪蘭泉先生不值

汀蒲淑葦紆徐遍出港平波烟一片漸看邨落似曾來却憶
當年畫中見舟行畫裏數前邨水調農歌相間聞帆偏斜日

初過市櫓起輕鳧忽到門守門稚僕看行色方音未解生疎
客門前一樹繫漁船公家近事渠能說指點橫橋敗柳邊東
西舍影漾溪烟比隣舊近天隨里走卒都知司馬園前年歸
自西江曲稍葺荒茨事修築未看餘地起樓臺略飾微時舊
花竹舍後營齋皮 賜書橋前割墅開家塾范氏宗人並執
經韓家弟子常連屋過門鷗鷺識嘉賓借徑樵蘇護喬木更
傾餘俸買新甬總屬官田不屬私一廬自寄畊漁業百畝都
供膏火資家事已清廬墓後 君恩未忍出山遲明年終
爲蒼生起故國先增耆舊思比聞海堰功初賦 翠華重幸
杭州路 御集都須水部編湖山正待仙翁注文彥如雲要
總持高帆吹擁西冷去去時河圻正殘秋歲宴應無幾日畱
客今遠道來相訪能爲天涯小待不停舟聞語徘徊久滿目

昏鴉數回首三年離索客何成百歲從容公不朽殘雁寒天
更獨來斷萍遠浦難相守臨流轉枕思耿耿近海雲霞晚更
添雪夜挈舟空訪戴草堂卜築合依嚴扣舷高咏伊人句一
水蒼蒼隱亂葦

兩峰爲作蘭竹橫看賦此奉謝并乞新畫

寫竹不滿十數葉能使葉葉生長風蘭莖自弱筆自健更爲
風勢分西東其旁太古一片石不與凡塊爭玲瓏兩峰老筆
每獨造意匠未許蘇文通手嫩何曾受迫促五日十日渠何
備有時槎枒露肝胆一掃百幅無雷同近來京邑散真蹟家
家屏幃輝秋容北中地性艱植此培之不茂成枯叢修篁新
筍忽滿眼能事乃濟天功窮高齋霽色開初冬北風卷幙庭
陰空免毫肥勁墨色濃醇醪爲君置千鍾天涯再見君已翁

我行假裝別君去天地濶遠何當逢長箋廣幅抽行筒矮紙
未盡君之工待君酒腸動芒角放筆萬條摩蒼穹氣吞煙水
看冥濛要連雲夢輸君胸

次韻與仲則作

關河歷遍敝行滕略憶行藏歎鏤冰半世狂名餘白眼十年
殘事有青燈謀生誤作餐書蠹行路窮于刺牖蠅莫負一身
能潦倒邇來蕭瑟已難勝

題雪帆圖

施君雪帆思歸未得
歸余作此以遣意

載將書笈與吟滕帆指黃雲水欲冰重訪江湖傷旅鬢幾年
簑笠負漁燈寫君鄉景休思膾顧我生涯慣誤蠅若許同舟
明亦去北中此景覺難勝

渭城

三登驪歌酒一尊孤吟客舍近黃昏滿城暮雨楊花白不出
陽關亦斷魂

黎簡

字簡民順德人貢生有五百四峯堂詩鈔

蒲褐山房詩話嶺南自三家後風雅寥寥比來余所知者張庶常鍾芳馮戶部敏
昌溫編修汝适潘舍人有為趙大令希璜而簡民為之冠性好山水屢入朱明洞
天窮其幽勝朋儕罕有當意者惟與德清許宗彥無錫孫爾準為詩文交其詩峻
拔清峭刻意新穎言人所不能言苦心孤詣竟以是終五言如香雲松葉籠青雪
竹房登明瀾閣水鳥啼葉定風篁林暗山亭夜城光野水秋海雨留魚氣潮田起
鳥羣松霧濃霑及花源曲到門潮送竹扉月雨留花城雲七言如一枕春寒閣側
夢千家人語入江聲酒醒北郭風花路夢斷西林夜雨山蒼涼日色沉沙樹悲壯
江聲入水村吳越歌者誰相識楚些魂兮不待招楊柳西樓曉鬼曲辭章南俗託
神絃排闥柳花吹酒店飛空山影壓漁竿霜點雁背荒蒲白村少禽聲隱種黃溪
雲曲曲三篙水浦樹沉沈一行山皆未絕人道語藥亭諸公見之亦當退避三舍

華首臺後至洗衲石

并小記

華首臺之路四五里不見天日葉翠滿衣拂之不
去觀雨花橋之水若殯山怪雲至臺臺平至堂堂

折自香積廚沿寬得逕爲合掌巖巖左側落爲洗
衲石石故坦坦飛泉照人於是與同遊二子卧石
上時青天空寥白雲未急幽鳥一聲山翠已落

登頓倚靈跡隱見覲神構陰窈風雷蓄陽林笙竽奏鐵石積
古寒玉條媚今秀造物視詎給化跡信不謬虛堂清鰥睡夜
點誤崖溜淪茗持露重披衣擁雲皺紀辭待後感燭壁惑前
鏤凌晨續竒步竟日索異觀冥冥烟蘿嘯至人詎能遣

水簾洞

千百石疊迸漚此一簾水清寒先迎人去此尙一里懸雪薄
不破奮雷伏難起靜極入山客雲水勞未已想見洪荒來全
湧遂至此崖藤老盡力石樹凍半死棉裘凜稜鐵骨戰及吾
齒投暄出陽阿回顏有生理

延祥寺至寶積寺

泉壑投延祥松蘿上寶積俯窺無底雲却立千丈壁東峯忽
深黑雷霆迸虛石雨來挾飛瀑聲與萬松敵長雲過人頂急
步脫我屐山寺已閉門叩闕者何客回顧所來處漫漫不能
識老僧呼洗足雛禿抱衣炙旋尋池洗藥復究泉卓錫

題內子禪病圖小影

孱軀縱長心深汲繹短綆流光導青春芳懷坐交警與子同
今世電掣火光猛命瀕數死在貌以憂生請倚瘦勿窺鑑增
寒不臨井自云聰明薄上咒昧無等女子本柔弱根塵轉強
梗豈如君身骨仙種發真省簾波落桐陰窗日碎光炯傾花
積殘露燃柳引恬頴微謔傳常情忍笑曳俄頃通神語先和
防禮襟再整減頤若爲惜約範已自領淡然山林姿昭質含

至靜體安景與適庭虛物皆屏金仙上莊嚴慈竹側幽冷亭
亭風露姿寒意上鬢影予惟病維摩煉藥對石鼎夙業以予
故安忍死割癭他時兩縑卷佳話溢五嶺我不離眷屬而得
清淨境倘嫌梵天俗何必佛摩頂

秋江行寫別贈張秀才樂洲

日瑤

八月涼風素波起歸心夜滿秋水江上離筵耐堅坐筵上
哀絲澀柔指炎方暮節江洪青畫船暖燭玻璫明美人長歎
起勸酒廣袖押花條脫聲酒行按歌婁以清江山夜色遙含
情朝來人寂江水濶上有曉雲行不停茲來七旬住山城朋
輩不放一日醒綺叢自有文字飲淺權兼修鷗鷺盟就中惜
別不忍別城東明星海西月已傷哀樂向來多且信風流一
時歇君不見廣州城下南北河垂楊今較古來多西風時候

猶情態一路送迎無奈何

予嘗作羅浮觀日圖贈周道士今日忽欲復作此圖
寄何徵士勤良爲先作詩寄之

羅浮欲雨天突兀暮雲晚山辨不得不知一夜雲化水洗出
東南半天碧二樵山父黃葛衣踏曉獨開山上扉夢然冥海
萬里黑中有滄涼紅百圍赤明道士亦好奇獨愛此景請畫
之畫之別我向南去衡岳洞庭行挈隨此人今已雲水杳此
景恐爲人世知我亦出山忘誓辭畫亦彷彿不可追可憐牛
馬走塵土更復身心傷別離何郎昔訪我對我終日坐歸去
橘柚鄉別我一載長秋風幾日吹綠草盡捲江聲入懷抱心
尙波濤定後驚身向朋儕最先老榮名願及飢時貴絕技原
非死前寶昔寄畫一紙畫山不畫水今乃更一端畫水不畫

山要令碧海湧日破爾粉壁青苔間於陵先生夢葵食夢
亦傷廉心不安何如對此飽亦得不飽可質飽可還苦心作
詩乃無益君不見杜陵野老不得食

端州縣齋作

四天潑翠城郭濕城頭窺人萬山立城門朝開塞奔峭勢欲
與人爭出入戕剝西極如綫來至此擘地風濤開羚羊咽吭
不肯一吸盡呃逆倒壅屯雲雷山巖水猛兩不下地弱往往
蒙厥災居人不及對面語脚下沙走長堤摧盲風顛浪味道
路非所去處偏擠排入地塔影直於筆浮天城堵膠如楮下
視東流峽山口江水鬱作山崔嵬我昔尋常此經過水落山
高石頭大盤渦風雨神靈叫

景福祠下有盤渦聲如哀號俗曰猪子
過不常作則風雨晦冥舟人畏言之

寒峽

戰鬥龍鼉俄帆檣疾轉指鳥飛性命欹危等鳶墮今來風水

赫餘怒猶恐乘桴到堅坐縣齋蓮幕多故人久別遭逢情話
親江光夜亂石頂月山氣忽生衣上雲樵天海上花作屋出
門白袷照青春當筵起舞醉沓廳百縷雲氣千花塵酒闌袂
冷夢江國萬疊翠屏勞片魂

小園

水影動深樹山光窺短牆秋村黃葉滿一半入斜陽幽竹如
人靜寒花爲我芳小園宜小立新月似新霜

野堂

山海容歸興波濤展野堂潮增夜天白樹合晚雲黃殘芰騷
人服寒花飢客糧頻年計衣食無地話農桑

清江

清江清不極泯泯肅心魂日驗魚龍氣苔行蚌蛤痕層寒動

城影平碧混村原垂釣吾將往虛舟寄海門

雲隱續致水僊花

無雨亦春陰春華不可尋年過旬日淺花見兩情深峯勢空
青割盆光水碧沈關門夢香草行坐楚江吟

春郊

水滿碧不動春郊新雨晴數行濃柳外一桁曉山橫日薄滄
花氣風恬軟鳥聲病才蠲六七虛白已全生

望仙坡最高樓

在眼山川故國情崑崙寒翠古邕城短長道路供離別少壯
交游半死生雲色黃茅秋瘴盡沙光碧玉暮江清平安郡邑
南征後偶問途人不說兵

雨中作寄呂秀才石帆

堅

不辨松聲接海聲
晝雲陰傍瓦簷平
夢迷上巳渾風雨
節感中年憶死生
游戲郢人須宋匠
窮愁遷史信虞卿
柴桑夙志疎人事
計爲身謀早課耕

問藥樵遺詩

頻年哀輓最傷心
死別流年日以深
桓鳥析羣知善哭
巴猿刻意在哀吟
已將飢餓遺家事
未免朋儕負夙襟
直到畢生難塞責
不勝明義繫人琴

錄別張大谷十二月廿五日

柴爨糞火題詩處
去馬來牛作別時
爲設維摩花雨榻
無煩高適草堂貲
身先夢去惟應戀
客並春來不肯遲
知爾看花還惜別
短篷疎櫂費相思

張君爲設榻停之所照整潔云

彭明府竹林席上

隔城山翠動涼氛時雨吹花益酒薰東里歌辭傳太史

鄭文川時方爲

彭令製并文

南邨農事訪徵君薄遊客館容稱病如市臣門半課文

飲水已甘相見好四年西夢峽山雲

予以乙巳識彭像於端州時令封川

聽吳客作吳歌

千里東風長綠蕪江南春似廣州無一般冷雨蕭蕭夜不獨

傷心爲鷓鴣

朱彭

字亦錢號青湖錢塘人諸生有抱山堂集

蒲竭山房詩話西冷自金江聲賦填謝杭壘蒲汪魏塘諸公後大雅將倫青湖獨承其後以詩法指示騷壇故二三十年來從遊甚衆每言浙江明季多學鍾譚漸垂於正自雲間陳臥子先生司李山陰差知復古後如西冷十子皆奉司李之餘緒西河毛氏幼承賞識亦宗其旨卽竹垞太史初時並效唐音百餘年來浙中詩派實本雲間至康熙中葉小變其格濫吳流舉查初白山始競爲山谷誠齋之習攜李學者靡然從之而武林兼學唐宋無所取裁故青湖專以歸愚宗伯別裁諸集傳示學者於詩學自爲有功今年已七十餘多識前言往行實爲一時文獻者有吳越古蹟考若干卷南宋寓居錄若干卷不戒于火爲可惜也其詩古體矩矱

從容今體聲情高遠餘句如桃花爭曉色湖水識春心江雲初過雨春水欲平帆
秋林生澹月烟寺出寒鐘早烟浮岸草新綠入江船雲未浮春氣烟江聚晚愁遠
岫明秋水殘峰戀夕陽霜橫翠木裊秋放一峯高半山無夕照萬鳥共歸心白鷺
豈知千古事蒼山猶帶六朝秋雲淨江天遙辨塔潮迴沙渚忽無田滿溪梅雨白
連郭一路紫陰綠繞門澗澗花光遙映水濛濛嵐氣欲浮春春當三月原如客入
過中年欲近僧病餘人比寒山瘦秋晚詩如落葉多人當晚節多憐菊天爲重陽
持放晴皆可以入司表聖摘句圖又錄其弟子李方湛詩除我
諸人及其子棧王等十二人詩爲同岑詩選子爲之序今行于世

澄江書院種花詩爲盧抱經山長作

空墀何所有草長地亦閒買得涇口花種向軒楹前入春土
膏潤樹杪浮晴烟玉茗早破萼細梅復解顏漸看桃與李亦
欲矜便娟卉木詎有知不負暄和天灌溉苟無失各自爭春
妍種花寓生意生徒願勉旃

種植有良法聚土培其根根本倘能固著花亦自繁儒生首
德行惟孝及弟昆經訓爲菑畲當使故業溫立言既有本坐
見風教敦剪綵以娛目生意何所存先生顧我笑謂我善講

論春風萬然至相與開清鐸

題唐明皇鬪雞圖

旭日射堂人影動丹青黯澹烟光重
高叉一燈圓雞圖矯首相看便驚竦
衣冠約略皆唐裝人物意態分毫芒
賈昌率童抱雞至花冠上指神揚揚
引開草色排春場明皇勒馬駐不發
左右環觀顏色悅灑將芥粉颯霜毛
薰得狸膏森戰骨佞昂怒目光不定
金距盤拏各馳突一雞兀立峙上風
不虞失勢遭顛蹶一雞佯俯旋聳身
意欲中人在倉卒由來狡獪豈自雄
外假蠢懦藏其鋒祿山雌伏定颺去
敗奚請斬王應從優容翻使全羽翼
騎騾西狩傷飄蓬上皇白髮歸來晚
空教蜀道驅長坂鼙鼓喧聲動地來
綺羅香影隨烟散爲問雞坊尙有無
曲江宮殿長青蒲外作禽荒古有戒
令我觀圖增歎

呼

趙松雪相馬圖

張公貌視四十萬匹馬眼空方識權奇者紛紛俗子尙皮相
遂使凡材盈冀野頽也下筆存其真精爽內蘊骨肉勻四蹄
矯健輕風塵兀立紙上如有神紅袍長官負高識整鞍爲繫
長林側彼此俱憐知遇奇居然顧盼生顏色只今龍媒亦間
生趑趑取與驚駘行馮誰拂拭寒郊外一向秋風昂首鳴

謝彬鍾馗嫁妹圖

畫人欲行獸欲走謝老吾鄉得名久何時縱筆寫荒幻橫幅
淋漓羅鬼醜蒼茫落日山光昏山神導前獸駭奔於菟委尾
不敢躡持者擔首行接眼鬼僮力怯艱舉重以首承之同戴
盆穿深林子徑繚繞過鼓吹簫出煙嶠鍾家小妹坐羊車半

揭珠帷善窈窕也類唐策蹇驢歌似乘船鞭影掉在背李
龍眠畫作嫁妹圖十洲及叔寶異代工臨摹此圖匠心更獨
出差與古本同規模想當下筆氣概麤方良膽裂賊賊呼老
屋動搖白晝暝風雨颯沓煙模糊乃能一一雕鏤造化窮虛
無不然安得紙上羣靈趨

走索行

一夫導前鳴銅鉦有婦結束肩隨行三义路口喚戲索兒童
拍手歡相迎好事圍場歛錢急堵牆觀者羣爭集衆中側出
掠雲鬟勢欲騰空翻却立回眸躍上神力超兩傍齊駭聲喧
囂娉婷意態獨整暇垂楊間擺風中腰高步堂堂一徑拓此
時眼底如無索往來絡繹驚蹙馳失勢一蹶力不支翻身倒
垂猿挂樹半寸脚尖鉤索住旋空忽作轆轤轉亂捲烟雲目

爲眩人羨精能伎倆無我獨相看爲嘆呼耕耘紡績棄不事
輕身重利寧良圖荅云尊官莫嘲讓行乞由來非所尚江田
米少征稅無衣食翻懸一繩上頻年踏徧天涯路泣下吞聲
難盡訴譁然擁隊人競呼鳴鉦又向前村去

登報恩寺塔

長千古塔高切雲琉璃錯采光氤氲琅璫風鐸晝夜響十里
五里遙相聞我初見之心已壯鼓勇先登神氣王蓮花座畔
試攀躋宛轉梯空曲相向九級真同上九天置身頓在層霄
上秦淮水一線牛首土一抔三國及六朝英傑歸蒿萊何況
前明燕王南下一飛燕飛來卻趁金川開天位篡竊史官怨
忠良屠戮人皆哀卽此惡業已難懺建塔那得消餘灾浪傳
發願感舍利白毫隱現銀牆堆我思此理不可得佛布慈雲

蔭南國愁慘偏逢好殺時舍利雖存光必匿得非殉難諸臣
膏血流燐火光騰出深黑撞鐘伐鼓渡慈航難免千人萬人
泣甄工創建總徒勞畱與今人駭雄特老僧邀我看塔燈弔
古蒼茫淚沾臆

元人阿爾裨熊虎圖

蠓螭塞外白草彫平沙颯颯翻驚颺山深無人日色淡黃雲
湧出如奔濤下有猛虎相搏擊一虎一熊真匹敵怒氣咆哮
奮爪牙想見空中飛霹靂虎也雄獨稱山君衝突而出誰能
羣熊之制勝在善伏

抑雅熊之搏擊
先伏而後動

動則能教虎齧棘乍踣乍起

交相持施轉似挾陰風颯樣柯老樹類奇鬼霜葉禿盡惟枯
枝誰向荒崖摹此態渲染迴殊吳下派縱橫健筆出元人題
款猶存阿爾裨秋來將軍獵邊城搖搖旌旆相隨行臂鷹牽

犬來郊垌曷不手縛熊虎歸闕廷

樓居吟

吾友童鹿菴少失怙其母撫孤守節不下樓者十
有五年曾邵二雲太史來修府志採其事以表苦
節余爲作樓居吟

江干老屋樓三楹以木支柱防歛傾童母守節子未立家無
儲粟空瓶罌鄰有老嫗亦早寡惻惻都是孤寒者爲言苦節
當同貞一居樓頭一樓下牀前設靈帷牀後然土竈鎮日坐
樓頭樓下跡如掃驕陽當窗欲爍金我心如雪暑不侵北風
中人欲砭骨我身如松栢不折夜來獨對青燈孤呼兒攤書
依生隅頻縫阿母手中線爲憐兒體寒無襦一女襁褓泣呱
呱中宵遺溺相叫呼敲冰濯遺冰刺膚十指龜坼面模糊起

視爐中宿火無兒呻母吟聲淚俱獨茹荼苦十五載吾友始
得爲通儒嗚呼此節誰能如嗚呼此節誰能如

早春山行

一徑入春陰行行野趣深早煙浮遠浦殘雪秀疎林問客少
塵事看山生隱心何當結茆屋長此寄清吟

憶河渚舊游囑蟄夫作畫

春山欲化煙春浦雨綿綿雲氣圍梅塢香風引客船溯洄猶
入夢惓惓已經年乞取徐熙筆圖中結靜緣

石頭城

鬼斧誰鑿削雄城壓建康江流經割據山色閱興亡謝傅亭
空圯

征魯意因
謝安得石

韓擒壘亦荒惟餘危堞在終古鬱蒼蒼

靈谷寺和趙升之原韻

清江詩集卷三十一
濕翠滴衣襟人行松樹林一峯看雨過五里入雲深古塢
禪跡虛堂冷梵音來尋功德水趙嘏有同心

南山晚眺

散步日將夕閒吟支短筇偶看雲外寺獨倚澗邊松歸鳥有
寒色晚山無定容何人共情話喜與野樵逢

山樓晚坐寄懷抱村客括蒼

寒林變風色雪意鳥先知感此歲云暮登樓寄所思亂山雲
外客孤棹道中詩好赴圍爐約茅堂共酒卮

早秋山行

一雨滌殘暑翛然郭外行松涼人氣健山霽鳥聲清野老攜
鋤返樵童掃徑迎自欣來往熟到處愜幽情

秋晚獨游臺城敗道至後湖作

閒訪臺城路未遙荒原落葉正蕭蕭華林馳道迷秋草元圃
游牆過野樵齊惠安太子制元圃傳列修竹內施高障造游牆數百間萬點晴嵐遙映郭幾株疎
柳曲通橋誰知席帽青衫客獨自騎驢弔六朝

方正學祠

雄藩歸去釀兵氛難發憑誰共解紛決策俄驚南內火守陴
已納北來軍一言草詔終難得十族捐生古未聞木末亭邊
祠廟在當時猶面孝陵雲

景公祠

豸冠依舊入楓宸後死空悲志未伸斷索尙能凌輦蹕衣緋
先已動星辰鈔連鄉里瓜多蔓地近祠堂草不春雨花臺側千
至今無草
古方公堪並祀要離漫說可爲鄰

橫舟亭

孤亭突兀俯寒流坡老名傳古渡頭別去江南雙短鬢歸來
海外一扁舟萍蓬遠道家無定餽粥荒田願易酬爭奈騎鯨
畱不得枉教遺表乞常州

宋望祭殿

江山半壁號中興殿闕南屏最上層淮北黃沙存舊壘洛西
衰草沒諸陵玉魚金盃知何處風馬雲車未可憑一誦雪消
春動句君臣當日忍同登

雪消春動見
放翁感憤詩

消夏灣

湖面涼風漾綠蘋吳王消夏棧舟頻那知於越深宮裏偏有
炎天握火人

垂虹橋秋望

楓葉蘆花徧遠灘蕭蕭風露作新寒秋光三萬六千頃獨向

垂虹橋上看

曹秉鈞

字仲梅嘉興人貢生今官山陰教諭有藤花老屋詩鈔

蒲謁山房詩話仲梅樵選山澤隱約自甘而鄉見洽間搜奇汲古凡墨經書品書史硯箋金石之錄古器之評無不淵其津源辨其真贋詩材清雋在錢郎輩柳間爲人冲和恬雅在江西主桂溪書院者數年今雖司教一隅而湘江人士莫不奉爲祭酒

題朱山樽涼宵待月圖

靜夜生嫩涼
暝色橫碧霧
甘蕉風乍颭
簫桂香暗度
華星出雲間
銀河漾輕素
適我無非新
清暉豈殊故
坐看輪影遲
秋衣點秋露
長吟小山招
遙想希逸賦
飛鶴來遠音
停琴生妙悟
流光千里同
二分起幽慕

秋日偕吳少陞李賓日泛舟歷南屏諸勝

涼意未歸樹
秋色紛在巘
芒鞋踏輕莎
柳翳日色淺
平湖葑

草叢柔艣自搖演沿緣十里隄眼盼亦曠衍晴雲不作雨奇
峰倏萬變風吹紅藕花殘暑一以洗清絕南山隈水竹恣吟
緬盟心鷗鷺間緩步苔石踐手摩懸崖碑香啜龍井薺佳游
從此始探竒豫結伴好爲尋舊題深巘剔蒼蘚

偶憩東塔僧舍沈稚春錢訥齋王若農過訪畱飲同
觀元僧雪菴手書八大人覺經真跡

春陰愜幽思調御室小住獨語聽風鈴曲徑恣緩步清白池
久湮雷音額仍故闢寂不逢人松扉倩雲護何來同心侶意
外此把晤緬畦菜甲滋巡簷花須吐米汁還共斟我佛亦不
惡僧彌雅好事妙書出經庫朱絲吮方闌墨瀟垂秋露健如
神杵麾勁比漏痕注當年衣鉢傳心印寄了悟雪菴有書付
弟子惠福教咄
哉逃虛子天竺一詳與付頭銜署資善佐命侈竒遇枉受菩薩

戒心跡自牴牾

姚廣孝跋云卷付下天竺慈靈菴主首
署受菩薩戒弟子資善大夫太子少師

何如紫柏翁人品

分覺寤

達觀跋語有云覺則爲大人不覺
則爲小人矣按壁石刻獨存此跋

羣思翠墨研淡揭縈薄霧短

軸卷還僧相將乞竹素且飲缸面酒鐘聲催日暮

新秋寓居南屏僧舍

涼雲不出山秋聲已在樹長日無人行間寂此閨戶宛然記
昔游只益巖薜古平池水華淨倒影亦媚嫵風定自在香日
落月初吐

曉霧失層山亭午條漏照密林森蒼翠金碧相煨曜驟雨從
東來雲烟互繚繞斜陽一角明微茫辨越嶠恨無南宮筆橫
幅寫衆妙

偕吳穀人太史幻居菴觀明人手書華嚴墨海

一昔雲葉涼秋影淡於水曲徑果幽尋緒經凭竹几吳侯金

閨彥妙墨香光似淨眼照妍媸精心度流峙印籀辨籤題展
玩竟跋尾了然乞書因天花雨空裏假茲翰墨緣悟彼清淨
旨塵襟一以滌同人大懼喜離垢惜不能散帙興未已登閣
期後遊虛窗杉月俟

題王小農學稼圖

煙柳暗平橋杏花明屋角宵來鶉鳩鳴春雨一犁足糾笠聚
新畬農功自茲俶秧針綠映水翼風更濯濯卽事多所欣呼
童放黃犢智慧已不勞何處著寵辱秫田慶有秋明月酒新
漉力耕不我欺課兒幽風讀

述菴先生招同諸公寒夜宴集承露堂分得此字

辛槃未借春斗柄方指子簾垂晷影移歲占雲片俟官閣墜
興高廣廈歡顏啟寸筵發華鐘雕蟲慙小技先生偶休暇棊

尊交曷履相於文字飲真率唯尙齒折節手杯斝脫略到青
紫素心徵古懽清謁流妙徵并無風月譚只有金石企江樸
寒欲花紅燭光映几改席漏聲遲冰丸銷階屺醕酌陪山公
雅尙那有此高會仰韓門風流接芳軌浩浩酒意得湜籍敢
竊比

題朱山人畫魚

畫魚好手不可逢近來共數楊維聰惜聰形繪非神繪魚鱗
刻畫徒能工山人體物有深意未畫游魚先畫水烟波澹澹
湖水平荇藻出沒如有情大魚昂藏小魚戲唼萍噴沫皆生
趣從知魚水樂相於修鱗詎肯安沮洳濠梁一碧殊清泚樂
意何須問莊子

秋日過徐袖東通守新綠舫

使君家住湖山麓慣狎巒光與水淥卅年作吏向風塵一碧
西冷清夢熟雨餘水荇翠撲天風定縠紋清比玉故將小築
仿烏篷行館斜扉依水曲云云枉渚接花洲湛湛方塘鋪淨
綠筆床茶竈妙安排作畫題詩媚幽獨我來岸幘當中秋亭
午亂蟬喧灌木軒窗四啟來長風入牖清冷鮮可掬邈然野
色占秋光籬豆花深瓜蔓屋使君憂國願年豐盼望雲霓還
蒿目應看銀竹樹甘霖簷角天紳挂飛瀑村畦泱泱頽栗垂
池沼盈盈鷗鷺浴重過舫閣聽秋聲宛泊定香橋外宿

宿南屏精舍柬朱笠亭

佛火頻分夜秋聲此乍逢疎鐘茅屋雨殘夢曉山鐘涼思生
清簟愁吟有候蛩朝來岩翠爽好策一枝筇

寒食坐雨次張瓜田先生韻

潑火雨時雨春風寒食寒行愁芳草濕坐惜好花殘節物關心迴人情沈眼看寂憐湖上柳依舊暗平灘

朱文藻

字映漚號朗齋仁和人諸生有碧溪草堂詩稿

蒲祠山房詩話明齊漁獵百家取材宏富精六書自說文繫傳佩觿汗簡及鐘鼎款識博古圖諸書無不貫串源流會其旨要又能手親摩寫非徒以形聲類聚自名小學者可比韓城相國精浙學時訪而延之至京師任校四庫全書且於南齊奉勅校事宜亦俱誦習又通史學凡合紀傳編年統事通典諸書輒能考其鉅略審其是非尤爲助學修西湖志役助予撰金石萃編訂正之力最多其詩在劉夢得張文昌之間正如空山鼓琴沉思獨往

題邱至山墨錄

東河先生擅詞翰文字光采雲霞鮮平生甘苦與墨共外物不足分其專高齋櫝藏形式古爲珪爲璧殊方圓同岑持贈悉著錄豈謂得魚能忘筌精神感通龍審至物聚所好成因緣邵羅方程名品備下逮諸家堪並傳編排先後慎登選百

十二家名貫穿墨本耐用壽於筆數挺定足支十年先生蓄
之何時用著書毋欲追彭錢四明南來京雒返紅梨匣滿奚
囊懸松林處晦夜半泣收拾精爽隨行驪先生著述不負汝
壽以汝德元之元卽今藏弄未忍試惟靜惟默全其天有時
黑蛟起霖雨墨雲一噴萬井煙不才好古見恨晚對此異寶
神愕然題詞卷尾勉學步上黨黃山魂夢牽

題邱氏古樹

邱家巨室宋代基堂前三樹蟠蛟螭兩松一柏儼昆弟手足
腹心同扶持棋局紛紛雨東路不遂枯槎浮煙霧雅人移植
且不能畱遺子孫豈偶數行都喬木思秋陰萬松嶺上空蕭
森但有故宮桐井樹西風銀杏飄無心無心銀杏在萬松嶺
桐井旁傳是宋樹東河
先生重世澤徧乞歌詩篇什積我懷古姿慷慨吟颯颯風濤

赴几席

龍井茶歌

采春茶冒春雨風篁嶺南龍井古戴笠攜筐走山女采茶忙
焙茶香山泉到厨聲淙淙新茶供客客滿堂有餘時與家人
嘗君不見東村蠶娘勤采桑絲成不得爲衣裳

三老尋詩圖爲張若垞雨村孫田昆季作用卷中孫
二益韻

詩人之思一徑通不尋則與榛莽同尋之有易有不易妙處
每在艱難中因苦得甘味始足不知老至忘衰翁若垞先生
有詩癖本無俗累櫻心胸雨村孫田雨昆弟三翁嶰竹吹雌
雄所居卽是深山處大雅可回末俗風江干車馬跡不到東
城境僻詩不窮詩情大好荆樹下白首不分榮悴容披圖瞥

見尋詩苦如闢窈窕凡庸或占片石或曳杖或已得句求
益工不知詩從何處覓刻意所到無不融三翁聯榻歲不數
靈江遠溯滄溟東此圖特寫聚首樂傳詩更不煩郵筒我爲
題詩寓深意興詩興行知所從

湯鵬鐵畫歌

蕪湖物產有鐵畫荆造云是湯鵬監湯鵬畫工兼金工不以
名位爭頭銜乍看似墨潑絹素山水人物皆空嵌風飄秀色
動蘭竹雪摧老幹撐松杉華軒逼人有寒氣盛暑亦欲添衣
衫最宜樺燭燒春夜千枝萬蕊發翠巖元明舊蹟共諦視轉
覺黯淡精神絨從來鐵質永堅性發土得鑛攜長鑱以之作
畫柔繞指絲絲綉繹女手摻深閨刺繡那足道直欲筆研塵
封函流傳江南及江北不脛而走爭飛帆題詩畫上志歎賞

徧示坐客語亦咸

漢銅雁足鐙搨本趙晉齋索題卽次王述菴先生韻

述菴先生性嗜奇海內金石蒐羅之薈存拓本兼題辭

先生集輯金石

萃編一書屬藻分輯凡古今金石文及諸家題跋皆錄之關中舊蹟千年遺轍迹所到咨諏爲名

伯分陝古所治今見廉使修厥司甘棠古木花垂垂滇藩移

節歲屢期雁字萬里艱遠貽雁足鐙字藏囊幃長篇題冊資

摹規細辨響搨參毫釐六十一字沙畫錐篆隸筆法完無虧

在槃在趾兼屑皮

鐙銘共六十一字建昭三年考工上輔爲內者造制雁足鐙重三斤八兩護建佐博畜夫福探光主石丞宮令相省中宮內者

第五故家四十五字隸書在槃下六陽平家畫一至三陽朔元年賜上三字篆書在前肩後大尉三字篆書在趾下六書俗學興古違東

漢碑蝕疑轉滋頓此古器出土遲西京法物供分攜碧暈想

見然蛻脂蓮花繡幕開堂闔嘉賓各各伸雙眉考文論古喜

且悲元成時事動繫思可下濁酒增酣嬉朱文蘭葉珍西陲

如捧綠圖授翠嬀，嬀獲豈獨自悅怡。不脛而走來，邈迤晴窗
頓下遠羽姿。不爲一粒謀，餘貲昂藏獨立一足支。氣勢千仞
高崔巍，顧盼四座神愕眙。陽鳥正合隨朝曦，羈栖毋乃類繫
維。制器尙象千鑪錘，考工工輔精于倕。博福光相名存宜，佐
嗇丞掾官參差不朽勝。似劉屢屢楊文傳，作詩看山詩赤露翫勞衰池貯鐙綺
匣。紫采恩夜枕側聽涼秋，颺山岩霞質扶淵夔。昔伯侯升淵夔詩君
龍蛇題字鱗之而晉齋，好古逸興飛網羅一冊聯光輝。二千
年事如何其，諸詩詳攷溯始基。其不備者事亦稀，搜奇過甚
求乳羝物有顯晦道坦夷。遷流歷劫波瀾瀾一經考索生癡
瘕，證以樊榭詩增疑半槎所藏迹未墮。詩題繫銘字可追其
文，與此合幾希。照樊榭集載印江馬半槎所藏雁足銘銘云晉寧元年護爲內者
造銅雁足鈿重四斤十二兩護武甯夫賴據廣漢主右丞賈守令
康陵上表史不第首山一例寶貴珎玕琪，彼此間隔歲丑寅。彼爲竟寧
宮內者第廿五受內者元年戊子

作此為建昭三年辛卯作
中問隔已丑與寅二歲首尾四見香稻翻一鐙再造紛披第五

廿五分榮暉其餘凡幾數莫推伊歲上章暨祝犁爾雅太歲在庚曰上章史記索

隱茂在已日祝犁謂建昭元年
已丑二年庚寅俱無鐙可紀也未見制作堪重持大篆文字源庖羲百

品九沸宣鼎鼎沃淳夔螭兕鳳匱彰采雞烏虎雌彝仁威螭

首雲雷卮並具典重義可窺此鐙僅予內者私卽後大廚亦

如斯記斤載兩析珠璣不共臺殿陳蚪螭幾類短檠牆角欹

陽平元舅勢莫幾賜鐙兩載生嗟咨元舅陽平侯王賜陽朔元年
賜此鐙三年八月即亮心

驚受寵性未漓鄭重君賜傳銘詞惟源世澤流勿衰讀史浩

歎漢祚移殆非人事由天時陽平侯受此鐙卽刻銘以識蓋猶知榮君賜也
一鐙之微不敢忽如此此時鳳之事君格盡臣

節已可樂見逾三十年而漢祚為新莽所移非獨人事積漸所致殆
亦天運其為轉移讀史者尙當原其初心吾故於此為表微之論云

題宗人漢槎所藏方艾山香筆畫蘭冊子

漳州織紙蕪湖鐵一炷名香又可藝本朝藝事出愈奇畫

法迴與前代別沉檀爲屑榆末和其細視綫較寸多霜毫元
玉俱退讓拂箋腕下烟雲過點痕著紙成妙用濃淡全憑指
輕重躁心鈍質兩無功靜助相看去豪縱崇明李氏畫出羣
曾言並擅惟方君不浮山水已妙絕艾山此冊符昔聞蘭花
高潔耽幽谷顏色豈宜澹清淑以香畫出王者香縱使香銷
自芳馥吾宗漢槎兼衆長上書善射槩高張偶遇寸技便稱
賞題詩祇恐汚鑒藏

妝域歌

并序

余見樊榭山房手稿曾有妝域聯句詩謂是明神宗
宮人兒婦之具於後鮑氏知不足齋見有求售者是
雕漆所製上刻神宗年號今來沛上黃司馬小松署
齋出眎所藏乃琢象齒爲之其體圓徑二寸五分面

平而底稍隆起正中有臍六棱突起臍中卓一錐長
三分寸之一巖如燈心而不銳可使几上旋轉者卽
此錐也六棱周刻小楷字自右而左順讀曰甲寅年
七月二十四日造李得仁葢萬歷四十二年也六棱
之外雲氣繚繞於僊山樓閣琪花瑤艸之間下有二
鹿牝牡相倚文顯而不深其正面則樓館山樹人物
皆鏤空飛動窪處大小二艇酒罇舟子相待老羽衣
翩然攜槳童子繼至主人謂宜作詩紀之遂爲此歌
時癸丑中秋後十日

日月雙跳似丸轉老大頭顱堆雪繭書窗瞥見兒嬉物少小
情懷忽追緬物名妝域始前明神宗晚歲事遊宴深宮晝闕
寂不譁宮人製此長日遣切磋象齒三寸園中卓鐵錐五分

淺僊山樓閣雲樹重二鹿馴行踏蒼蘚一面深刻壑藏舟仙
客攜琴方防嶽甲寅七月二十四李得仁造字可辨此非鐘
鼎及刀劒款識何須仿彝典朝家製器小亦謹不使良工沒
其善無如大事荒於嬉玩弄江山任偃蹇傳一二世乾坤傾
欲立錐無尺土踐正如此器旋轉休園輪都付浮雲卷百八
十年物幸存笑語疑聞聚婉變揚文紀事附金石物不足多
事須勉腐儒不敢歲月荒垂語兒曹戒游衍

嘉慶壬戌重陽前一日松江太守張古餘敦仁同郡

人陳太守桂堂廷慶錢唐吳祭酒穀人錫麒嘉定錢

州判獻之垢談讌於蘭泉書室述菴少冠有詩命和

因成四律以紀事

岑寂珠溪館喧傳五馬來趁潮江路濶觀稼隴雲堆赤鳥霑

朝露朱顏帶宿醅不教騶入谷簷雀未驚猜

京雒追前事

古陰戎或客京師時常得會

詞壇步後塵

穀人文字總從者二十餘年

龔黃傳治蹟

桂堂守辰州多善政

歐趙契先民

歐之工篆隸皆金石

桂晚榮詩徑秋晴健酒人司天

占異瑞德聚在江濱

湖海尊耆德煙霞養此身

朝章原尚齒天性愛留賓洛社

開鑄滿龍門曳履頻歡然羣屐會韻事一番新

襍藏詞多拙衰遲與尚酣散材真不棄末席每教參古燄藏

清闕香光發錦函

是日出所藏漢銅鼎足燈及宋槧說文禮書樂書示客

賞心交令節新菊勸

分簪

六月望日嚴古緣招同黃春帆張夢蘭家根石買舟

汎月自曲院步至金沙港口與清溶上人茶話時已

夜分上人方庭中澆花盆有佳菊及異種鳳仙紅白

毬而綠心者畱賞久之觀壁間遊客畱題多妙墨因
別製挂幅邀同人題詩其上以貽上人識一時佳興

云

荷邊涼月柳邊風此福閒僧享未窮淪茗正宜人慰渴澆花
亟與露分功萬家塵夢呼難起一夕承天事偶同走壁龍蛇
看過客爪痕吾亦慕飛鴻

任城南池送別述菴先生

解維 詔許待春融戀 闕行遲六月中染髭齊烟連岱色

開襟涉水納荷風香山此日成歸客杜老當時感寓公聞道

珠街臨角里

珠家自屬青浦縣西門外爲少室所居角本角四皓有角里先生張大木進士移居珠街詞有地如角里之句角亦音用故詩與公族同叶今

吳俗相沿皆以角爲角里

扁舟過訪乞鷗通

圓津院清華閣訪慧照上人畱題

圓津高閣敞清華津逮圓通水四叉閣下水名殿聳慈門鈴語

近港穿青浦布帆斜談禪恰喜同開士讀畫何曾讓米家一

帙詩傳增寓客新題畱待補遺加時少寇以青浦詩傳見贈

清華閣送慧照赴金山受具

漕溪水綠泊羣舟高閣重登認舊遊折葦期先春社定上人擇十八日

登舟是日春分打包帆向大江收指揮去日天花落滿願歸程隴麥秋

添得詩篇并畫軸圓津小志待增修

金德輿

字雲莊號鄂巖桐鄉人監生官刑部主事有桐華館吟

稿

蒲褐山房詩話雲莊能詩善畫累世所藏法書名蹟及宋刻書甚富南巡時擇善本以進有文錦之賜又藏岳鄂王銅爵一時能詩者作歌以咏之入贊為刑部主事不久乞病歸所居桐華館植圖書花木之勝與蔣晉元龍方君薰等流連文酒四方名士過桐鄉者必造請盤桓而後去埽門投轄初無倦意予七十生辰

雲莊以混金書佛說五福德經賜予與汪雲壑所書妙法蓮華經並爲佳玩

晚步硤石宿紫薇山莊

木末亂鴉歸遙山夕陽落攜筇踏崇岩暝色暗山脚上方起
鐘魚鏗鎬出林薄罡風襲征衫微霜濕芒屨遠燈照歸人荒
墟警宵柝山空天益高萬象逼蕭索境清難久居山莊得暫
託同輩酌村醪野蔬進藜藿論詩議褒并談恐鬼神愕襍被
對匡牀寒輝浸簾箔明當挈侶行還情入寥廓

過綠飲村居

豆花棚下結書堂秋到窗前引興長久住漸知耕鑿趣愛閒
翻爲校讐忙偶烹野蔘如兼味每借奇書潤薄裘如此村居
良不易勸君何必羨衡湘

時君擬作
桂游未果

題錢同人策筵訪碑圖

斷碣殘碑半草萊零星隻字等瓊瑰
一鞭遙指斜陽裏不爲尋梅得得來

搜奇嗜古本家風雅與歐陽結習同
他日書成應自笑十年辛苦萬山中

金廷榮

字筠林元和人貢生

蒲褐山房詩話筠林家正虎阜山塘居於青山綠水兩橋間垂楊映戶畫舫臨門風景最爲清絕生平善鑒別書畫鼎彝經其估直人無不信者作詩無深造詔而風神俊雅亦復可傳

贈趙塵上人

趙公本夙慧早歲入禪林經卷參空相
湖山養道心半龕花雨落一徑竹烟深
愧我塵容對焚香聽鼓琴

慶似邨窗外植竹甚茂賦此

談深不倦忘歸程
簾影斜陽下短楹
絕妙主人邀看竹
碧紗窗外數竿清

年年滋長報平安
大有遭逢足古歡
憐爾性情耽雅靜
不教食肉客來看

湖海詩傳卷三十八